



Bosnia and Herzegovina
Federation of Bosnia and Herzegovina

CANTON SARAJEVO
Ministry of traffic
Road Directorate

Broj: 04(01)-04-43277/21
Sarajevo, 28.01.2022. godine

KANTON SARAJEVO
SKUPŠTINA KANTONA SARAJEVO
N/r Predsjedavajućeg Skupštine Kantona

Predmet: Odgovor na zastupničko pitanje - dostavlja se

Zastupnik Admela Hodžić, na 44. Radnoj sjednici Skupštine Kantona Sarajevo održanoj dana 14.12.2021. godine u okviru tačke dnevnog reda: "Poslanička pitanja, inicijative i odgovori" postavila je sljedeće

Pitanje:

Na osnovu čl. 106. i 213. Poslovnika Skupštine Kantona Sarajevo („Službene novine Kantona Sarajevo", broj: 41/12 - drugi novi prečišćeni tekst, 15/13, 47/13, 47/15, 48/16, 9/20, 14/20) upućujem zastupničko pitanje ministru saobraćaja gosp. Šteti da li je planiran i kada nastavak izgradnje regionalnog puta Hadžići - Bukovica (općina Kiseljak) a na relaciji Košćan - Mokrine (dio puta na području KS odnosno općini Hadžići). Radovi su započeti prije 2 mjeseca i urađeno je cca 200 metara puta i nakon toga su radovi obustavljeni. Da li su planirana sredstva da se nastavi izgradnja ovog puta? Radove finansira Kanton Sarajevo preko Direkcije za ceste KS. Hadžićanima je ovaj put od velikog značaja za lepenički kraj, a mještanima zbog toga što se i gradski prijevoz odvija ovom putem. Gradski prijevoz je obustavljen upravo na ovoj relaciji zbog toga što je ovaj put prilično uništen, te zbog sigurnosti građana nastaviti će se tek kada se završi izgradnja ovog puta.

Građani imaju strpljenja ali s obzirom na to da su radovi obustavljeni duži period a gradskog prijevoza nemaju, pitaju da li će se u skorije vrijeme nastaviti započeta izgradnja puta Hadžići- Bukovica na dijelu Kokan-Mokrine i kada se planira završetak radova?

Odgovor:

Radovi nisu obustavljeni nego su završeni. Naime, Direkcija za puteve Kantona Sarajevo je prema raspoloživim sredstvima i prostornim mogućnostima uslovljenim imovinsko-pravnim odnosima ugovorila i realizovala projekat sanacije dijela saobraćajnice Košćan Bukovica, od profila P1 do profila P17+8m, ukupne dužine 328m i finansijske vrijednosti oko 300 000 KM. Kompletan dio saobraćajnice koji je potrebno sanirati iznosi 2,5 kilometara i iziskuje značajna finansijska sredstva tako da se radovi sanacije izvode fazno. Programom održavanja, rekonstrukcije i izgradnje saobraćajnica na području Kantona Sarajevo za 2022. godinu su planirana sredstva u iznosu od 500 000 KM za nastavak sanacije predmetne saobraćajnice, ali je isto uslovljeno rješavanjem imovinsko-pravnih odnosa koje provodi Općina Hadžići.

Dalje, molimo Vas da ne iznosite dezinformacije da je gradski prevoz obustavljen na toj relaciji zato što je put uništen i da će se nastaviti kada se završi izgradnja puta. Javni prevoz je bio obustavljen iz razloga što je



web: <http://ms.ks.gov.ba>
e-mail: dp@dp.ks.gov.ba
Tel: + 387 (0) 33 560-402, Fax: + 387 (0) 33 560-426
Sarajevo, Hamida Dizdara br. 1



na tom lokalitetu bilo veće klizište koje je između ostalog ugrožavalo i dio ceste, a koje se prema našim saznanjima (sanacija klizišta nije u našoj nadležnosti) sanira. Saobraćajnica se inače redovno održava, obezbjeđena je prohodnost u zimskom periodu na cijeloj dužini, te na istoj nisu prisutna oštećenja koja ugrožavaju bezbjedno odvijanje saobraćaja! Tako da ako se javni gradski prevoz ne obavlja na predmetnoj saobraćajnici, to sigurno nije iz razloga stanja saobraćajnice i prohodnosti puta.

S poštovanjem,




DIREKTOR

Selmi

g.saob.

Dostaviti:

- Naslovu
- Stručna služba Vlade Kantona Sarajevo
- Ministarstvo saobraćaja Kantona Sarajevo, R. Dž. Čauševića 1 (na znanje)
- ☉ Evidencija
- a/a



web: <http://ms.ks.gov.ba>
e-mail: dp@dp.ks.gov.ba
Tel: + 387 (0) 33 560-402, Fax: + 387 (0) 33 560-426
Sarajevo, Hamida Dizdara br. 1

